

مخبر

و پوهنتون خپه
۶۱ و صحنه تحول
رضا المجرى ربه لاله اوله

اقتصادی ، اجتماعی ، فلسفی ، تاریخی ، ادبی مجموعو

شیمیدیلک اون بش کونده نشر اولونور

مدرجات :

۱	حدیث شریف	« مصاحبه »	یوسف ضیا
۶	شرح قلیق و غیره بحلیق	« اجتماعی »	عبدالحق هادی
۱۱	ضمیمه سزاق دوری	« فلسفی »	محمد امین
۱۶	اسلامده نفوس و جوجوق	« طبی »	دو قنور قدری راشد
۲۱	موصلاده ساجوق والیلری	« تاریخی »	مکریم فلیل
۲۶	اسلام فیلسوفلری	« فلسفی »	یوسف ضیا
۳۱	نیلوفرده کئی کئی	« منظومه »	احمد قدسی
۳۶	غزلده کئی کئی	« منظومه »	صالحی ضیا

مکتب و تحصیل . مع مافیہ اونک نتیجہ لرینہ انتظاراً کویلی بی وخلقک صافدل کروهندم
قناعتلر حصوله کتیره بیله جک برواسطه ده کویله کیدن واعظخواجه لر در که جمعیت و حکومت
اونلری کوزلجه ایقاظ و تربیه ایدرسه کویلیده یکی برطاقم حسلر او یاندر تهرته بیلیر .
در قنور مدرس قدری رائد

تاریخی :

موصالده سلجوقی والیلری

کربوغا

تورکمنلر اورته آسیادن چیقوب غرب طرف لرینه بالخاصه ایرانه ، عراقه ، قافقاسیا
و آنادولویه مهاجرت ایتدکلری ائنده الجزیره و موصل حوالیسینی ده اشغال ایتمشلردی .
تورکمن مهاجرتنه استناد ایدرک دولت تأسیس ایدن سلجوقی عالیه سی پک جزئی بر زمان
ظرفنده بوتون آسیایه حاکم اولمشدی . سلطان ملکشاه چیندن عدنه و استانبول بوغازینه
قادر اولان ملک واسعه سنی اون ایکی ولایته تقسیم ایلمشدی . هر بری بیوک بر قراللی
آ کدیران بو ولایتلره یا خاندان آل سلجوقدن بر شهزاده والی کوندربیلیر ، یا خودده
بیوک اولوس و بوی بکلرندن اولوب ده خاقان اعظمک اعتمادنی قازانمش اولان بر ذات تعیین
اولوردی . ایشته موصل (الجزیره) دنیلن بیوک بر ولایتک مرکزی بولنیور و او زمان
هر بری بر بیوک شهر اولان جزیره بن عمر ، منصیین ، اربیل شهرلری بو مرکزله تابع
اولوردی . بوندن ماعدا شهر زور ، حکاری و رحبه حوالیسیده بو ولایته ملحق بولنمقده
ایدیلر . هر ولایته طرف خاقانیدن والیلر کوندرملک معناد ایکن الجزیره ولایتی کافی السابق
(عقیل) خاندانی یدنده ایقا قلممشدی .

سلطان اعظم ملکشاه وفات ایتدیکی وقت بو طرفدن اونک اوغوللری ، دیگر طرفدن
سلطان ویا ملک عنوانیله بر ولایت والیسی اولان دیگر سلجوقی پرنسلی سلطان اعظم
اوله بیلیمک و دارالحلافده ناملرینه خطبه او قوده بیلیمک اوزره مجازله به کیریشیورلردی .

بو سبيله حکمدار مشروع اولان سلطان برکیاروقه قارشى عصيان ایدیوزلردی . از جمله آذربایجان والی و حکمداری اولان (ملک اسماعیل بن یاقوتی السلاجوقی)، خراسان حکمداری (ارسلان ارغو بن آلب آرسلان) و شام حکمداری (سلطان توتوش بن آلب آرسلان) دعوی سلطنتله خروج ایتشلردی .

سلطان توتوش دمشقدن حرکت ایدهرک حلبه کلدی . حلب امیری (آق سونقور) اورفه امیری (بوزان) ، انطاکیه امیری (یاغی سپان) و دیگر امیرلر مشارالیهک معبته التحاق ایتدیلر . توتوش ، او زمان موصل حکمداری بولنان ابراهیم بن قریش عقیلی به خبر کوندرهک سلطان برکیاروقک خطبه سنی قطع و کندی نامه قرائت ایتدیرمسنی امر ایتدی . ابراهیم بو امره اطاعت ایتدیکندن توتوش اونک اوزرینه یورودی و ابراهیمی میدان حربده مغلوب و اعدام ایدهرک موصلی ضبط ایلدی . توتوش بعده سلطان برکیاروق اوزرینه یورودیسهده ارکان معیتدن (آق سونقور) ایله (بوزان) کندیسندن آریلهرق برکیاروقه التحاق ایتدیلر .

توتوش بالضروره منهزماً شامه عودت ایتدی . آق سونقور ایله بوزان اونی تعقیباً حلبه کلدیلر . ۴۸۷ تاریخنده سلطان توتوش ایکنجی دفعه دمشقدن حرکت ایدهرک حلبه دوغری یورودی . سلطان برکیاروق بونی ایشیدنجه پدرمعظمنک معیتنده بولنهرق شجاعت و بسالتیله اشتهار ایتمش و برچوق حربلره اشترک ایدهرک بویوک امیرلر عدادینه کیرمش اولان (کربوغا) یی حلب والیسنه امداده کوندردی . کربوغا ، آق سونقور ، بوزان هر اوچی برلکده مدافعهیه حاضرلاندیلرسهده مغلوب اولدیلر . آق سونقور اسیر اولهرق توتوشک امریله قتل ایلدی . کربوغا ایله بوزان حلبده تحصن ایتدیلرسهده توتوش شهری محاصره ایدهرک ضبط ایتدکدن سوکرا بوزانی اعدام و کربوغائی حبس ایلدی .

توتوش بو مظمریتدن سوکرا دیار بکری و بعده آذربایجانی استیلا و اصفهانه دخول ایدرک بوتون عراق عجمی ضبط ایدوب دارالخلافه اولان بغدادده نامه خطبه او قوتدیرمهیه موفق اولدیسهده بالاآخره سلطان برکیاروقله ایتدیکی محاربهده مقتول اولدیغندن سلطنت عظمی ینه برکیاروق عهدسنده قالدی .

سلطان برکیاروق ، توتوشک یرینه شام حکمداری اولان (رضوان بن توتوش) ک والیلکنی تصدیق ایدهرک پدرینک اولجه اسیر و حبس ایتمش اولدیغنی (کربوغا) ایله قارداشی (آلتون ناش)ک تخلیه سنی امر ایلدی . برکیاروق عینی زمانده (الجزیره) والیلکنی (کربوغا)یه

ویرمش و موصله کیتمنی اشعار الیشدی . امیر مشارالیه معینه بر چوق عسکر آلهرق برادریه برابر موصله یورودی . اثنای راهده حران ، نصیین شهرلرینی ضبط و نصیین امیری (محمد بن مسلم العقیلی) بی اسیر ایتدکنن صوگرا تولدیردی . بعده موصل اوکنه واردیق (علی بن مسلم العقیلی) یه شهرک تسلیمنی تکلیف ایتدیهده مومی الیه بونی رد ایتدیکندن حرباً ضبط ایتمه قرار ویردی . برادری (آلتون تاش) ی شهرک شرقده برادریق (باجلاقا) قریهسنده قرارگاهنی قوردی و شهری محاصرهیه باشلادی . موصل ملکی (علی بن مسلم) جزیره بن عمر متصرفی بولنان امرای ساجوقیهدن (جکرمش بک) ه خبر کوندر رک استمداد ایتدی . (جکرمش) امداده حاضرلاندی و محاصرهنی رفع ایده بیلیمک اوزره مقرامارتندن حرکت ایدهرک موصل ارکربینه قادار کادی . فقط (آلتون تاش) ه مغلوب اولهرق رجعتدن باشقه چاره بولامادی؛ جزیرهیه عودت ایتدیکی وقت خطاسنک بیوکلکنی آکلایهرق استغفای قصور ایلدی و سلطان اعظمک والیسنه اطاعت ایتدی بروجیه عدایتدیکنی کربوغایه بیلدیردی و فی الحقیقه بوندن صوگرا بوتون قوتیه محاصرهیه یاردم ایتمه باشلادی . محاصرلر ، برقچ دفعه شهره هجوم ایتدیلر سده محصورینک مدافعه شیدیده لرندن دولایی موفقیته قازانه مدقلرندن اونلری آچلقه تسلیمه مجبور ایتک اوزره محاصرهنی تمیدیه قرار ویردیلر . موصل ملکی (علی) شهرک بهمه حال سقوط ایده جکنی آکلایهرق کیجه لین بر قایغه بیندی و دجله طریقله فرار ایتدی . اهالی شهری تسلیم ایتدیلر . موصل محاصرهسی دو قوز آی دوام ایتمش و ۴۸۹ ذی القعدة سنده ضبط اولومشدی .

کربوغا شهره کیردکنن دارالامارهیه کلهزک موصل ملوکنک خزینهلری و متروکاتی ضبط ایتدی . بو صیراده (کربوغا) ابله (آلتون تاش) شهر اهالیسنه قارشنی تعقیب ایده جکلری خط حرکت خصوصنده حال اختلافده بولنیورلردی . آلتون تاش مقاومت کوستردکلرندن دولایی اونلری تأدیب و ماللرینی یغما ایتک آرزو ایدیور ، دیکری ایسه عفو عمومی اعلان ایتدی تصوراتیدیوردی . آلتون تاش اعیان و اشراف مملکتی حبس و ماللرینی مصادره ایتدکنن ماعدا شهری یغما ایتدیرمهک باشلادی . کربوغا برادرینه برقچ دفعه اخطار ایتدیهده او بونی اصغا ایتمه رک اولنکی حرکتنده دوام ایتدی ، اونک مقصدی عسکرلری اموال اهالی ایله اطماع ایدرک کندینه جلب ایلک و برادرینی طرد ایدرک شهره منفرداً حاکم اولمقدی . بونی حس ایدن کربوغا شهرک

ضبطندن اوج کون سوکرا (آلتون ناش) ی اعدام ایلدی و مستقلاً حاکم اولدی .
شهر اهالیسنه عفو عمومی اعلان ایدرک هرکسه حریتی بخش ایلدی .

کربوغا ، شجاع اولدینی قدار خلوق ، منصف و عادل بر ذات اولدیغندن آز زماندم
بوتون اهالیکن حرمت و محبتی جلب ایلدی . امیرمشارالیه اردوسنک مهم بر قسمی موصله
یرلشدیردی و بو سنه دن اعتباراً بوراسی بر تورک بلده سی حالی آلدی . بالآخره شهر
مذکورده تورک کثافتی کیتدکجه آرتدی و بک آز سوکرا خالص مخلص بر تورک مدینه سی اولدی .
(کربوغا) پر آی سوکرا (رحبه) به کیده رک شهرک تسلیمنی طلب ایتدیسه ده رد
ایتدکلرندن بالمحاصره ضبط و (عقیل) خانداننه منسوب اولان امیرینی طرد ایدرک برینه
بر تورک قائم مقام اقامه ایلدکلن سوکرا مقر ایلتنه عودت ایلدی .

(کربوغا) بعده بوتون الجزیره ولایتی ملحقاننه کندی آدملر نی امیر تعیین ایتدی .
(امیر قفجاق) ی شهر زوره ، (امیر ارسلان ناش) ی سنچاره (جکر مش) ی جزیره به
تورکمن موسایی کیفه تعیین ایتدیکی کبی تصیین ، مار دین ، اربل و دیگر مملکتلرده برر
امیر ارسال ایلدی .

کربوغا بوتون بو ولایتک حاکم مستقیمی اولوب بکرمی بی متجاوز امیرک مافوقی ایدی .
کندیسی ده دوغریدن دوغری به سلطان اعظمه تابع بولنیوردی .
کربوغا ، بو ایشلرله مشغول ایکن آوروپاده اهل صلیب اردولری تشکل ایدیور ،
ارض مقدسی قورنارمق و آنادولودن تورکلری توغرمق اوزره بوتون آوروپا سلاحه صاریلیوردی .
اوزمان آنادولو حکمداری (سلطان قلیچ ارسلان اول) ایدی .

صلیبیلرک ایلك فرقه سی آنادولویه کیردکلن بر آز سوکرا تمامیه محو اولمشدی . ۴۹۰
سنه سنده یارم ملیونی متجاوز محاریدن ترکیب ایدن و بکرمی اوتوز برنسک قومانداسنده
بولنان بویوک خرستیان اردوسی آنادولویه کیرمش ایدی . سلطان اعظم برکیاروق مالک
واسعه سنده کی ملوک و امراسنه امرلر و بره رک بونلره قارشى حرکت ایتلمر نی تنیه ایلش
و آنادولو ، سوریه سلطانلریله موصل ملککی مدافعه به مأمور ایلمشدی . صلیبیلر قلیچ
ارسلانله برجوق مجادله لرده بولنمشلر و نهایت آنادولوی کچمکه موفق اوله رق انطاکیه اوکنه
مواصلت ایتمشلر و شهر مذکورى محاصره آلتنه آلمشلردی . سلطان برکیاروق ، (کربوغا) ی
انطاکیه نك امدادینه کوندردی . مشارالیه عراق و الجزیره ده بولنان بوتون امرایی معیتی
آلتنه طویلادکلن سوکرا جسم براردو ایلد موصلدن حرکت ایتدی . شهر زوره سنچاره

جزیره بن عمر، حصن کیف اميرلى تحت امرنده ايديلر. اثنای راهده صمصات اميرى (بلدق)، حران اميرى (قراجه)، سروج اميرى (بلك)، دياربكر اميرى (سقمان بن ارتق)، بيره جك اميرى (بولاد) وديكر اميرلر كنديسنه التحاق اينديلر. بو تورك اردوسى اوزمان فراتلرك يدينه كچمش بولنان اورفه اراضيسنى قرارگاه اتحاد و بو شهرى محاصره ايتدى. كر بوغا بورايى اوچ هفته قادار تضيق ايتدكدن صوكر ا ضبط ايتمكدن فراغت وانطا كيه يه حركت ايلدى. (مرح دابق)ه كلديكى زمان، دو قوز آيدنبرى صلييلر طرفدن تضيق اولنان، انطا كيه نك سقوطنى خبر آلدى. مذكور او واده بر مدت بلكه دى. يواننده شام قطعه سنده اجراى حكومت ايدن ملوك وامرا اردولر بله برلكده كلهرك معيته التحاق ايتديلر. دمشق ملكى (دقاق بن توتوش)، (انا بك طفتكين)، حصن اميرى (جناح الدوله حسين) بو ميانده ايديلر. تورك اردوسنك مقدارى اوچيوز بيكى تجاوز ايدبوردى.

بر آرز صوكر اسلطان قيلج ارسلان ده بر مقدار عسكرله امداده كلدى. تورك اردوسى داها فضله قوتلدى. قوماندانلر مجلس حرب عقد ايدرك انطا كيه يى بالمحاصره استرداد ايتمكه قرار و برديلر. «كر بوغا» سلطان اعظم طرفندن پايى قوماندان تعيين ايدلمش اولديغى جهته اردوده كى سلاطين و ملوك اونك امرينه تابع بولنيورلردى. بو بيوك اردو انطا كيه او كنه كلهرك شهرى محاصره آلتنه آلدى. هجوملر باشلادى؛ موفقيت توركلره توجه ايديبوردى. خرستيان برنسلردن بعضارى قورقه رق شهردن قاچديلر. ديكرلى هر درلو فلاكتى كوزه آلديره رق مدافعه ده دوام ايتديلر. محصورين آراسنده قيتلق باش كوشردى. خرستيانلر (بيه لر ميت) ي (كر بوغا) نك زدينه كوندره رك امان طلب ايتديلر. فقط مشارايه بو طلبى رد ايدرك بلا قيد و شرط تسليم اولملىنى تكليف ايتدى. خرستيانلر عمومى بر يأس و نوميدى ايچنده ايكن (سن بارتملى) آدى راهبك حضرت عيسى نك وجودينه دكش بر مزراق دميرنى كشف ايتمى كنديلرينه يكيدين قوت و بردى. اهل صليب رؤسايى خروج حركتى ياپمغه حاضر لانديلر. (كر بوغا) به ادر و شجيع اولمغه برابر متعظم و متكبر بر كيمسه ايدى. محضا خرستيانلره قارشى جهاد ايتمك ايچون كلش و سلطار اعظمك امرينه امثال ايتمش اولمق ايچون كنديسنك قومانداسى آلتنه كيرمش اولان ملوك وامرايه تحكّم ايتمكه باشلامشدى. انطا كيه يى ضبط ايدر ايتمز بوتون شام قطعه سنك والى عمومى ملكينك كنديسنه توجهى

سلطان برکیا روقک مواعیدندن اولدیغنی سولیشدی . بو سوزدن شام ملوک وامراسی
توحش ایدرک ایلك فرصته کندی مملکتلرینه کیمه به حاضر لاندیلر .

حاب حکمداری (ملک رضوان) ، دمشق حکمداری (دقاق) ک یوک برادری
بورقپی ایدی . (دقاق) ایکی سنه اول (دمشق) ی اونک یندن ضبط ایدرک حاکم
اولمشدی . رضوان بورایی استرداد ایتک املنده ایدی ؛ بونک ایچون (کربوغا) به
قاصد لر ارسال ایدرک ، محاربه بی بیتیریر بیتیرمز متفقاً دمشقه یورومکی تکلیف ایدیوردی .
(ملک رضوان) نک مکتوبنک مآله کسب وقوف ایدن دقاق ، بر آرزو کرا کندیسنی
حکومتندن محروم ایتک حاضرانان (کربوغا) نک موفقیتینی ایسته مکه باشلادی .

اسلام اردوسی آره سنده بو قیل تفرقه لر باش کوسترمکده ایکن خرسیتیانلر بالعکس
متحداً حرکت ایدیورلردی . صلیبیلر شهر دن چیقمه و چاریشمه قرار ویردیلر . اول
فرانسزلر شهر دن چیقدیلر . بعده دیگر ملتره منسوب اولان فرقه لر برر برر سورک
طیشنه چیقدیلر و منتظم بر حاله اوله رق تورک اردوسنک مرکزی اشغال ایدن کربوغانک
فرقه سی اوزرینه یورودیلر . محاربه شدت کسب ایتدیکی بر صبراده طفتیکین ایله دقاق
و دیگر اصرا محبتلیله برلکده قراره باشلادیلر بو حال عمومی انهمزه باعث اولدی .
یوصویه کیرمش اولان (سقمان بن ارتق) ایله (حسین بن ایتکین) خرسیتیانلرک اوزرینه
آتلدیلر . کربوغا سل سیف ایدرک بالذات حربه باشلادیسه ده صلیبیلرک جناح لر دن کچرک
حرک زده کندیسنی احاطه به تشبث ایتدک لر نی کوردی و قرارگاهنی اولدیغنی کبی براقه رق
قراره باشلادی . بو ائنده سلطان قلیج ارسلان انطاکیه ایله دکر ظرفنده اخذ موقع
ایتمش بولنیوردی .

باش قوماندان قرارگاهنده کی قاریشیقانی کوزور کورمنز تحت امرنده بولنان آنادولو
عسکر لریله هجوم ایتدی . قلیج ارسلان غایت چوق مقدارده اوق آتدیردقدن صوکر اقلیج
و کرز ایله مقابله نده بولنان بوئه مونه ونورمانلره تعرض ایتدی . بوئه مون بو هجومک
شدتنه طیانه میهرق فرار ایتدیسه ده غود فرو آ ایله تانغره د اونک امداینه قوشه رق اردوسی
تقویه ایتدیلر . آنادولو اردوسی مدهش بر فاقیت عسکریه قارشیسندد قالدیغندن رجعت
مجبور اولدی .

کربوغانک اداره سزلکی یوزندن بو محاربه غائب اولمش و بو مغلوبیت ایکی عصر
سوریه نی خرسیتیانلرک اشغاله براقشدی .

کربوغا، سلطان اعظم برکیاروق نظرندہ اعتبارنی غائب ایتشدی. بتون ارکان دولت بو مغلوبیتک مسئولیتنی اوکا عطف ایتشاردی. موصل حکمداری، ساطانک کندیسی عزل و تجزیہ ایدہ جگنی آکلادی و سرگذشت آرقہ سندن قوشمہ یہ باشلادی؛ ۴۹۲ دە سلطان برکیاروق برادری (غیاث الدین محمد طیار) کہ آذربایجان و ازان حکمداری ایدی۔ ارکان معیتک تشویقیلہ عصیان ایدہ رک اعلان سلطنت ایلدی. برکیاروقک خشمندن قورققدم اولان (کربوغا) معیتدہ کی امیرلردن (جکرمش) ایله برلکدہ اوکا عرض تابعیت ایتدی. فقط ایرتسی سنہ سلطان برکیاروقک عفویہ اوغرایه رق تکرار اونک امری آلتہ کیردی. کربوغا، ایکی قارداش آرمندہ تحدت ایدن محاربه لک اکثریندہ بولندی. ۴۹۳ دە همدانہ (سپیدروز) اوکندی کی محاربه دہ سلطان برکیاروقک صول جناح قوماندانی ایدی. بو وقعہ دہ کربوغانک هزیمتی یوزندن برکیاروق مغلوب اولمشدی. ۴۹۴ دە برکیاروق همدانہ محمدی مغلوب ایتدی بتون عراق عجمی ضبط ایتدی. (ری) شہرینہ واصل اولدینی وقت اوتیہ بری بہ داغیلش امرا و عساکر مشارالہک معیتہ طوپلانمایہ باشلادیلر. کربوغادہ بو میانہ ایدی. ۴۹۵ دە سلطان، کربوغانی آذربایجان دہ حکمدار بولنان (ملک مودود سلجوقی) بی تادیبہ کوندردی.

کربوغا آذربایجانہ کیردک ملک مودوسی منہزم ایتدی و خطہ مذکورہ نک اکثرینسی ضبط ایلدی. (خوی) قصبہ سنہ مواصلت ایتدیکی زمان خستہ لاندی. و بر قاج کون سوکرا خستہ فی اغیرلاشدی. معیتدہ بولنان تورک بکلرینی وازجماہ (خارتکین اوغلی صباوہ) ایله (سونقورجہ) بی نزدینہ جلب ایدہ رک و صیتلردہ بولندی ویرینہ (سونقورجہ) بی توکیل ایتدیکنی بیلیردی. عسکر لرینہ دہ اوکا اطاعت ایتلرینی امر ایدرک اونلردن سوز آلدی. پک آز سوکرا کندیسی وفات ایتدی. خستہ لنی اون اوچ کون سورمش ایدی. (خوی) بلدہ سنہ درت فرسخ مسافہ دہ وفات ایتش و کفن بولونامادینی ایچون جسدی بر خر قہ یہ صاریلہ رق قصبہ یہ کتیریلوب طوپراغہ کوملمشدی. عسکری و امراسی مشارالہ ایچون ماتم اجرا ایتشار و ساطان اعظمہ اخبار کیفیت ایتشاردی. (سونقورجہ) شخصنک مقامہ قائم اولہ رق اردونک قومانداسنی درعہ دہ ایلدی. موصلہ توجہ ایدہ رک شہرہ داخل اولدی. و کربوغانک وظیفہ سیلہ موظف اولہ رق سلطان دن منشور طلب ایلدی. کربوغا، سلطان ملکشاہ امراسندن اولوب شجاعت و بسالتیلہ تمیز ایتش و بر چوق امارتلردہ استخدام ایدیلہ رک حسن خدمتی کورلدکن سوکرا کندیسنہ (قوام الدولہ)

لقبی ویرلمشدی . سلطان برکیاروق پدینک پک زیاده سودیکی بوامبره داها بیوک موقعلر ورتبهرلر توجیه ایتدی . اک معمور ولایتلردن بری اولان الجزیردی اوکا ویردیکی کبی (بکلر بکیک) یدده اوندن باشقه سنه لایق کورمه دی . حتی وون سلاطین وملوک وامرایی اهل صلیب حربنه مأمور ایتدیکی زمان مشارالیهی هپسنه آمر وباش قوماندان نصب ایتدی . انطاکیه ده انهمزامندن صوگرا بکلر بکیک کندیسندن آلهرق باشقه سنه ویرلدی فقط ینه موصل وایلکی اوزرنده ابقا ایدلدی .

مشارالیه مدشاهک اسفار عظیمه سنه اشتراک ایلش ، بر چوق بیوک حربلرده موفقیت کوسترمش و فوق العاده شهرت قازانمشدی . انطاکیه هزیمتی اونک بوشهرتی اونوتدیردی . موصلده وایلکی انسانده شهرک تعمیرینه همت ایلش ، اهلینک جاب قلوبنه چالیشمش ، عدالت و مرحمتله حرمت عمومیه یی قازانمشدی .

[مأخذلر . — ابن الاثیر : الکامل جلد ۱۰ ، تاریخ اتابکان موصل . ابن شداد : تاریخ حلب . امیر بیبرس : زبدة الفکره . میشو : اهل صلیب تاریخی]

البتانی مکرمین خلیل



فلسفه :

اسلام فیلسوفلری

— ۱ —

عالم اسلامده ظهور ایدن فلسفی جریانلر مأمون دورندن باش-الایارق بالخاصه بشنجی و آلتنجی عصرده اکتساب کمال ایتمشدی . بونلردن — اکر تصوفی وکلامی سیستملری خارج عد ایدرسهک — باشلیجه ایکی بیوک جریانک « مشائیه » و « اشراقیه » سیستملرینک فارشی قارشیی به اخذ موقع ایتدکلرینی کورورز .

مشائیه (péripatéticien) فلسفه سی ؛ ارسطو مکتب فلسفینک دوغریدن دوغری یه تمادیسندن عبارتدره . شوقدرکه بوتامادی شرقک دوشونجه لریله سوسلی ، اسلام کسوه سی آلتنده ، اسلام چشینی وشرق حرارتی ایله طراوتی آرتدیران شرقلی بر تمادیدر . بو مسلکده ارسطو فلسفه سنده بولونمایان عقول وافلاک نظریه لری کبی بعض جهتلر علاوه